

Empat pekerjaan bakal
catat pertumbuhan
stabil dalam tempoh
lima tahun

Oleh NORHASPIDA YATIM
KUALA NERUS

Graduan Program Pendidikan Teknikal dan Latihan Vokasional (TVET) berpeluang dalam mendepani era Revolusi Industri 4.0 (IR 4.0) selari dengan keperluan industri dan pasaran kerja.

Menteri Sumber Manusia, V Sivakumar berkata, lapangan program itu termasuk dalam empat kelompok pekerjaan yang akan menyaksikan pertumbuhan stabil dalam tempoh lima tahun akan datang.

Laporan Future of Jobs Report 2023 mendedahkan, yang baharu diterbitkan oleh World Economic Forum bulan ini berhubung kehilangan 89 juta pekerjaan serta pertambahan 69 juta pekerjaan dalam tempoh lima tahun akan datang perlu diberi perhatian.

“Empat kelompok pekerjaan akan menyaksikan pertumbuhan stabil adalah dalam lapangan yang mempunyai kaitan langsung dengan TVET.

“Misalnya, operator atau pengendali mesin dan teknologi, penganalisis teknologi Kecerdasan Buatan (AI) yang dijangka akan tumbuh se-



SIVAKUMAR

hingga 40 peratus termasuk pengajar atau pelatih vokasional,” katanya dalam ucapan ketika merasmikan Hari

Bertemu Pelanggan Peringkat Zon Pantai Timur dan Majlis Dialog Bersama Menteri dengan pihak Industri, di sini pada Isnin.

Beliau berkata, sebanyak 41 peratus daripada tenaga kerja dalam pasaran pada 2023 perlu dilatih semula atau ditingkatkan kemahirannya menjelang 2027 bagi memastikan padanan dan penawaran dalam sektor berkaitan setimpal dengan tahap kemahiran graduan.

“Program pendidikan TVET dalam negara kita belum mencapai tahap yang optimum dan masih banyak inovasi perlu ditambah baik.

“Usaha mengembang dan memperkasa program TVET adalah keutamaan pihak Kementerian dan saya secara peribadi sangat menyokong peranan dan sumbangan penting pihak industri untuk bersama-sama menambah baik agenda TVET negara,” katanya.

Beliau membentangkan, masih ada beberapa isu yang perlu ditangani seperti kurangnya minat golongan muda menyertai TVET dan fenomena bayaran seranta kualiti kerja yang tidak setimpal dengan

Peluang graduan TVET mendepani IR 4.0



Sivakumar (dua dari kiri) berbual bersama peserta yang hadir sempena Hari Bertemu Pelanggan Peringkat Zon Pantai Timur dan Majlis Dialog Bersama Menteri dengan pihak Industri, di ILP Kuala Terengganu di Gong Badak, Kuala Nerus.

kelayakan.

“Kita yakin isu ini boleh ditangani serentak melalui penglibatan pihak industri secara lebih rapat dan sistematik dalam ekosistem TVET dan secara tidak langsung menarik minat anak muda untuk menyertai program-program TVET.

“Ia sekali gus melonjak nilai graduan TVET dan melayakkan mereka untuk menerima gaji yang lebih premium serta berpatutan,” ujar beliau.

Menurut Sivakumar, semua pemain industri perlu bekerjasama dengan Institut Latihan Kemahiran (ILK) di bawah Kementerian.

Beliau berkata, KSM melalui Jabatan Tenaga Manusia (JTM) akan membangunkan lebih banyak kursus jangka pendek untuk ditawarkan kepada belia dan pekerja industri yang memerlukan kemahiran TVET, kemahiran semula dan peningkatan kemahiran.

TARIKH: 20/6/23

SURAT KHABAR: Sinar Harian

MUKA SURAT: 21